

# TARDE – JUVE STABIA = 0 A 0..’A CHIANGERE STU MUERTE SO LACREME PERDUTE!

L’ha mann’t Aldo "Diecipalazzine"  
venerdì 02 novembre 2007

Uagnù! Osce v&rsquo;avite accuntendà de &lsquo;na cronache de seconda màne! Nonge agghie sciùte o cambè! Tenève ospete a ccàse osce ca jè a feste d&rsquo;Ognessante. Mamme,Attàne, Fràte, Canate, Sròche, Nòre, Ziàne, Cummàre e Cumbàre, Cusseprìne, Cumbàgne, &lsquo;nu cane, &lsquo;na jatte e &lsquo;na celòne . M&rsquo;agghie supputate a BALDACCONI ca dice le poesie sùse a Studio 100&hellip;. Quand&rsquo;è pesaaanteeee. A propò! Ma &lsquo;u sapìte ca &lsquo;a società du Tarde nonge vulève fa trasè alle giornaliste de Studio 100? Alle doje e mmenze angore stamme a taùle ma ije stè fervève pe sendè &lsquo;a partite! Parève brutte appezzecà &lsquo;a televisione o &lsquo;a radie e allòre agghie ditte c&rsquo;avev&rsquo;a scè o&rsquo;cesse. M&rsquo;agghie pigghiàte &lsquo;u Corriere del Giorno, &lsquo;a radio piccèna pe ssendè a &lsquo;mba Giuanne Sebastie (&lsquo;u croniste) e m&rsquo;agghie sciùte &lsquo;a cchiudè ind&rsquo;u cabenètte. Ma quedda ràdie sckattàte ca tenghe &lsquo;no pigghiàve e &lsquo;no pigghiaveeeee. &lsquo;A pizzèche e muezzeche amme capite ca &lsquo;u Tarde ha pigghiàte doije traversè, c&lsquo;a Juve Stabbie s&rsquo;ha sckaffàte in difèse pe tutte le novanta menùte, ZITO s&rsquo;ha mangiàte n&rsquo;otre gol fatte,CAVALLO tenève &lsquo;a frève&hellip;&rsquo;na frève da cavallo&hellip; e nonge ha sciucàte. Po, quidde bedòne d&rsquo;ASCENZI &lsquo;n&rsquo; accocchie &lsquo;na lire, amme pareggiàte cu l&rsquo;urtème in classifiche e le fiske a fine partite se sendène angòre ind&rsquo;alle recchie. Ce v&rsquo;agghia dicère! Aqqà stè cchiove a mendòne e osce m&rsquo;agghie scambàte n&rsquo;otra spunzàte, agghie mangiàte accòme &lsquo;a &lsquo;nu rreije e agghie stàte in grazzia di Ddije cu tutt &lsquo;a famìglie. Statève bbuène!